



Pou Piblikasyon Imedya: 02/02/2023

GOUVÈNÈ KATHY HOCHUL

GOUVÈNÈ HOCHUL ANONSE ACHÈVMAN TORTILLERIA TACOMBI NAN BROOKLYN

Konpayi an angaje pou l kreye 90 novo djòb nan lokal Sunset Park

Novo etablisman 30,000 pye kare a sipòte operasyon vant an detay ak taqueria epi devlope ekonomi fabrikasyon lokal la

Gouvènè Kathy Hochul te anonse jodi a achèvmmnan novo etablisman fabrikasyon manje Tacombi nan Whale Building nan Sunset Park, Brooklyn. Tacombi se yon mak manje ak bwason ki baze nan Vil New York ki konsantre sou konekte moun yo avèk Meksik. Nuevo etablisman modèn 30,000 pye kare Tacombi a pral pèmèt konpayi an agrandi operasyon yo epi ogmante kapasite pwodiksyon an. Tacombi te angaje pou l kreye omwen 90 novo djòb a tan plen nan kad agrandisman sa a, ki jwenn sipò jiska 1 milyon dola kredi enpo Pwogram Djòb Excelsior (Excelsior Jobs Program) la ki baze sou rannman nan Empire State Developement.

"Achèvman novo etablisman fabrikasyon Tacombi a nan Brooklyn se yon prèv efò nou pou revitalize endistri fabrikasyon eta a ak pote bon kalite travay nan New York", **Gouvènè Hochul te deklare.** "Depi yon kyòsk sou plaj Meksik yo rive nan lari New York, Tacombi sèvi kòm dènye istwa siksè Vil New York, epi mwen kontan yo pral kapab pataje pla siyati yo avèk restoran ak detayan yo atravè peyi a".

Majistra Vil New York, Eric Adams, te deklare, "Vil New York tounen nan biznis, epi mwen kontan ke jodi a, sa gen ladan faktori tortilla Vista Hermosa Tacombi a. Etablisman dènye kri sa a se yon viktwa pou Vil New York, k ap founi tortilla fre pou restoran Tacombi yo ak magazen vant an detay yo atravè peyi a epi kreye travay lokal isit la nan Sunset Park. Administrasyon mwen an pral toujou sipòte biznis lokal nou yo epi mwen rekonesan pou Gouvènè Hochul pou sipò li nan ekonomi fabrikasyon Vil New York la".

Tacombi an ki te lanse kòm yon kyòsk tako sou plaj nan Meksik an 2006 te ouvri premye lokal li Etazini nan katye Nolita nan Vil New York an 2010. Tacombi ap jere kounye a 11 taqueria (restoran tako) atravè Manhattan, Brooklyn ak Queens epi te vin popilè pou kwizin Meksikèn otantik epi ki prepare isit la menm. Vista Hermosa te kreye lè Tacombi pa te kapab jwenn tortilla ki satisfè estanda otantisite, kalite ak frechè pou

taqueria yo epi te kòmanse fabrike pa yo. Kounye ke pwodui Vista Hermosa yo fabrike nan Brooklyn, yo vann yo nan plis pase 2,000 magazen atravè 40 eta epi te sèvi nan 15 taqueria Tacombi atravè Vil New York, Greater Washington D.C. ak Miami. 90 nouvo anplwaye a tan plen yo pral sipòte plizyè aspè nan operasyon yo ak pwodiksyon, epi gen ladan operatè machin, sipèvizè, mekanisyen, enspektè kalite ak ekip administratif la.

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Ouvèti nouvo etablisman fabrikasyon manje Tacombi nan Sunset Park se yon prèv sipò pou divès kalite biznis ke Eta New York ofri, epi nou fyè pou nou bay engredyan ki enpòtan pou biznis yo satisfè objektif yo. Ekspansyon sa a ajoute djòb, ede divèsifye ekonomi Vil New York la epi kontinye solidifye repitasyon rejon an kòm yon plas kote biznis ka kòmanse, fonksyone ak devlope".

Fondatè ak Direktè Egzekitif Jeneral Tacombi a, Dario Wolos, te deklare, "Ouvèti nouvo tortilleria (restoran tortilla) nou an nan Brooklyn make yon etap enpòtan nan agrandisman Tacombi ak Vista Hermosa. Ankourajman fiskal ke Empire State Development bay te jwe yon wòl enpòtan nan desizyon nou pou deloje etablisman nou an kite New Jersey pou vin New York epi nou kontan anpil pou nou rejwenn ekonomi dinamik ak divèsifye sa nan Sunset Park".

Ko-Prezidan Konsèy Developman Ekonomik Rejyonal Vil New York la, Winston Fisher, Patnè nan Fisher Brothers, ak Félix V. Matos Rodriguez, Rektè University of New York (CUNY), te deklare, "Desizyon Tacombi pou ouvri yon etablisman fabrikasyon nan Vil New York kominiye kilti alimantè dinamik Vil la ak evolisyon konpayi an nan direksyon yon mak mondal. Non sèlman Tacombi an pral kontribiye nan lòt travay ak kwasans ekonomik, men tou nouvo etablisman an ajoute yon ankourajman ki gou nan repitasyon Vil New York kòm yon destinasyon pou ekselans gastwonomik li".

Fabrikasyon se yon poto mitan nan ekonomi 21yèm syèk Eta New York la, epi Vil New York gen yon sektè fabrikasyon alimantè dinamik ki sipòte djòb ak jenere revni. Efò Eta a pou atire ak kenbe konpayi sa yo ede asire ke biznis fabrikasyon ki egziste deja ak nouvo yo gen espas ak sipò yo bezwen pou yo pwospere. Envestisman New York nan Tacombi pral ranfòse kwasans ak plan fabrikasyon konpayi an pou satisfè plis demann, nan founi plis pwodui ki fèt lokalman bay plizyè revandè epi apwovizyone restoran konpayi an ak operasyon vant an detay yo.

Tacombi se yon gwo patnè nan kominote a, k ap ede sila yo ki nan bezwen atravè Tacombi Foundation, inisyativ san bi likratif li a. Objektif pwogram Tacombi Foundation lan se pou fè avanse kominote Meksiken an atravè aksesibilite nan manje, edikasyon ak travay. Chak semèn, pwogram Tacombi Community Kitchen Fondasyon an prepare ak distribiye repa bay moun ki gen difikilte pou yo manje. Nan moman an, òganizasyon an bay plis pase 7,000 repa chak semèn atravè plis pase 25 patnè kominotè atravè Vil New York, Greater D.C. ak Miami, Florid.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

ANILE ENSKRIPSYON OU